

# Cantata : la victoria dils Sursilvans

Autor(en): **Muoth, G.C.**

Objektyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **3 (1899)**

PDF erstellt am: **28.06.2024**

Persistenter Link: <https://doi.org/10.5169/seals-882095>

## **Nutzungsbedingungen**


Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



# CANTATA \*)

de

G. C. MUOTH.

## La Victoria dils Sursilvans

a

Muster ils 7 de Mars 1799.

1. *Landrechter Theodor de Castelberg descriva la situaziun politica dil Grischun.*

**Recitativ** (bass).

Il pievel franzos en revoluziun  
Vul uss dapertut schendrar confusiun,  
Per tras ujjarras — suttametter las tiarras.  
Ils Confederai — ein schon sfraccai;  
Solett ils Grischuns ein aunc mitschai,

\*) Composiziun da Rev. A. Stoffel.

E vegnan dall' Austria pertgirai. —  
 Mo schon ei la tiarra grischuna tschinclada  
 D'armadas franzosas e pereclitada.

Prest vegn la revoluziun  
 A far el Grischun l'invasiun,  
 Sch'ils Grischs buc prendan  
 Las armas e sedefendan.

2. *Il corps dils catschadurs della Cadi — formaus 1798 —  
 tilla sils confins, per quels defender.*

### **Chor dils catschadurs.**

Tier l'ujarra, tier l'ujarra  
 Mein nus ussa, cars Grischuns,  
 Per defender nossa tiarra —  
 Sco von temps ils nos babuns.

### **Quartett.**

(Dils commandants e capitans dils catschadurs.)

Sils confins de nossa tiarra  
 Tillan oz ils catschadurs;  
 Mo cu' i vegn de far ujarra,  
 Gidan *tuts*, signurs e purs.

### **Chor dils catschadurs.**

(Continuaziun.)

Sut las armas, sut las armas  
 Cun curascha semettein,  
 Senza sponder biaras larmas  
 Dals noss cars comiau prendein.

Grischuns libers, Grischuns libers  
 En perpetten lein restar;

Ils Franzos, las nauschas vivras,  
Lein pigliar e mazzacrar.

3. *Invasiun dils Franzos naven dad Ursèra sur l'Alpsu  
sut il commando dil general Loison.*

*(Ils 6 de Marz 1799.)*

Il bann general (Landsturm) della Surselva seredunescha a Muster.

**Recitativ arioso** (tenor u alt).

Udis, udis dils zens scadanonts la canèra!  
Vegni, vegni dabot a Muster vus puraglia!  
Ils nauschs Franzos ein oz arrivai dad Ursèra,  
Noss vitgs, noss dretgs e cusseidas per far en paglia.  
Vegni, vegni dabot a Muster en agid!  
Dal pievel *ferm* sperescha la patria salid.

**Aria.**

*General Loison.*

Pievel grisch de ligia grischa,  
Vossa libertat ei mischa.  
Nus — Franzos portein l'egualitat,  
Che contegn la vera libertat.

Perquei sesurdei,  
Nus beneventei  
Sco voss amitgs  
E buc sedustei!

**Chor dils catschadurs** (risposta).

L'aduala sclaveria  
Dils Franzos ei tresta sort.  
Pli bugien che tirania  
Semiglionta lein la mort.

4. *La battaglia dils 7 de Marz*

a) General Loison attacca ils catschadurs et ils Austriacs sut Mumpe et catscha quels tochen el vitg. Divers Austriacs fuian tochen S. Placi.

*Attacca dil Landsturm.*

**Recitativ.**

(In pader della claustra tier il landsturm.)

Udis — ils canuns franzos a ramplunont —  
De nos catschadurs las buis a schloppigiont  
*Davos sogn Gions!*

Sgarschur! La battaglia va mal. A sedustont  
Untgeschan ils noss — a current e sestuschont  
Atras il vitg.

**Aria** (in schuldau vegl).

Uss sto la puraglia  
Spindrar la battaglia;  
Schiglioc ei la patria battida,  
La ligia grischuna derschida.

**Chor dil Landsturm** (chor mischedau).

Sche buis e canuns pon buca fritgar,  
Sche lein nus cun pals e turschetts empruar,  
De nus scampentar.

O mumma de Diu e vus sogns patruns,  
Gidei, sco vus veis gidau noss babuns,  
Salvar ils Grischuns!

b) *Combatt e Victoria.*

**Recitativ arioso.** (In pader.)

Mirei, mirei co il pievel attacca  
Las loschas roschas, manezza e sfracca

Ensemen tut sco strom e farcaglia.  
 Quei ei l'artada vigur de puraglia.  
 Il Giacobin ei battius e turnenta —  
 Fugient e mitschont — ad Ursera la schenta.

5. *Il pievel victorius giubilescha ed engrazia a Diu  
 per la victoria reportada.*

**I. Chor giubilont** (mixt).

Sco von temps ils vegls Grischuns,  
 Fegls vengonzs de bravs babuns,  
 Vein nus oz victorisau,  
 Nossa patria liberau,  
 Gl' inimitg scatschau naven,  
 Manteniu il fundament  
 De nies vegl engirament.

**2. Chor final d'engraziament.**

Dieus sei benedius e ludaus,  
 Ch' has oz, perdunont nos puccaus,  
 Nus gidau cun tes sogns e spindrau.

Tuorn' eunc inaga gl' inimitg,  
 Sche volein nus purtar il castitg —  
 Cun remetter a Ti il quittau.



